

SAC a lansa e jingle nobo pa Aruba su Carnaval 60



ORANJESTAD (AAN): SAC a lansa e jingle nobo pa Aruba su Carnaval nr. 60: "Carnaval, Carnaval, Ki dushi ta Carnaval!" den un bachi nobo.

Dialuna 11 di november 2013 durante oranan di mainta pa

11:11 am, a lansa e Jingle nobo di Carnaval 60 den un Cas di Cultura completamente yen. Despues di un show spectacular y un video na unda a recorri tur e 60 añanan di nos celebracion di Carnaval.



Tabatin presentacion di Steelband, The Failures cu un Jouvert Morning Jump Up, Inky Richardson cu su hit: Hardself, Robert Jeandor cu a canta su hitnan di tur tempo: "Ban Bonse y Bolonbonchi" riba enscenario.



Tambe Señora Tecla Kelly Hernandez a hiba palabra, sigui pa Sr. Otmar Oduber Minister di Cultura di Aruba.

A bautisa y presenta e tremendo jingle despues di esaki y despues e publico a sigui disfruta di Rusty cu "The Humming Song" y "Coming Down Forking", Richard Quant cu "Back & Front" y a finalisa cu un show di un grupo di Carnaval y un brindis chikito.

Carnaval 60 ta: "Den Carnaval 60, Aruba tene cuenta. Di Ca-

bez te pia ta diamanta ta briya." Representantenan di SETAR tabata presente na e evento di 11-11-11 pa informa di nan app nobo cu nan ta bay lansa cu tur informacion di Carnaval 60 y tambe e carchi di telefon di 15 Florin cu ta bay ta un collectors item conmemorando e Carnaval nr. 60 di Aruba. Riba e potretnan por mira algun momento di ambiente cu a reina durante e inicio di temporada di Carnaval. Representantenan di e diferente sponsornan tambe tabata presente. RBC a sponsor e Jingle.